

ORDENANZA 3.21
TAXA POLA ENTRADA DE VEHÍCULOS A TRAVÉS DAS BEIRARRÚAS E POR
RESERVA DA VÍA PÚBLICA PARA APARCAMENTO EXCLUSIVO

Artigo 1º. Fundamento e natureza

De conformidade co disposto no artigo 20.1 A), da lei 39/1988 do 28 de decembro, reguladora das Facendas Locais, modificado pola Lei 25/98, de 13 de xullo, de modificación do réxime legal das taxas estatais e locais e de reordenación das prestacións patrimoniais de carácter público, este Concello establece a taxa por utilización privativa ou aproveitamento especial de dominio público local, pola entrada de vehículos a través das beirarrúas e reserva de vía pública para aparcamento exclusivo, a que se refire o art.20.3.h) da devandita Lei 39/88 e que se rexerá pola presente Ordenanza Fiscal e cuíñas normas atenden ó previsto no artigo 58 da devandita Lei 39/88 e na Ordenanza xeral de circulación e uso da vía pública do Concello de Santiago de Compostela.

Artigo 2º. Feito imponible

Constitue o feito imponible a utilización privativa ou o aproveitamento especial do dominio público local pola ocupación do mesmo para a entrada de vehículos a través das beirarrúas ou pola reserva da vía pública para o aparcamento exclusivo.

Artigo 3º. Suxeito pasivo

- 1.- Son suxeitos pasivos, en concepto de contribuintes, as persoas físicas e xurídicas, así como as Entidades a que se refire o art.33 da L.X.T. que disfruten, utilicen o aproveiten especialmente o dominio público local en beneficio particular.
- 2.- Terán a condición de substitutos do contribuinte os propietarios das fincas e locais a que den acceso as entradas de vehículos, que podrán repercutir, no seu caso, as cuotas sobre os beneficiarios.

Artigo 4º. Base imponible

A base tributaria estará constituída, según ó feito imponible:

- 1.- Polo número en metros da lonxitude da entrada ou paso de vehículos no caso da entrada de vehículos a través da beirarrúas.
- 2.- Pola superficie, en metros cadrados, ocupada pola reserva de vía pública para o aparcamento exclusivo noutro suposto.

Artigo 5º.Cota tributaria

- 1.- A cota tributaria resultará de aplicar á base ó 5% do valor do metro de aproveitamento urbanístico fixado no Anexo.
- 2.- Asemesmo, sobre as devanditas cotas aplicaránse os índices de situación establecidos para ó cálculo da débeda tributaria no IAE según a categoría da rúa en donde se encontren ubicados as entradas de vehículos a traves das beirarruas ou á zona para aparcamento exclusivo.
- 3.- As ruas que non teñan fixado o valor en pesetas do metro de aproveitamento urbanístico, terán un valor, a efectos da determinación da debida tributaria, de 342,126140 €.
- 4.- No caso de suxeitos pasivos da taxa que sexan titulares de locais nos que se desenvolvan actividades de garda e custodia de vehículos, baixo calquera modalidade (en garaxes cubertos, aparcamentos subterráneos ou parkings, en solares ou terreos sen edificar), a súa cuota tributaria incrementaráse nun 200%.
- 5.- No caso de se tratar de vados laborais ou vados de vivendas unifamiliares, a cota tributaria ponderaráse pola aplicación do coeficiente 0,80. A estos efectos considérase vado laboral áquel que reuna os requisitos mencionados na Ordenanza Xeral de circulación e uso da vía pública do Concello de Santiago de Compostela.
- 6.- En todo caso, e con carácter mínimo esixirase unha cota de 30,05 €.
- 7.- O valor do metro de aproveitamento urbanístico actualizaráse cada ano según o índice que sinala a Lei de orzamentos estatal para a actualización de valores catastrais.

Artigo 6º. Periodo impositivo e devengo

- 1.- O período impositivo coincide co ano natural, excepto cando se trate de supostos de inicio da utilización privativa ou aproveitamento especial do dominio público local, en cuio caso abarcará desde a data da concesión da autorización municipal ata o remate do ano natural.
- 2.- A tasa devégase o 1 de xaneiro de cada ano e as cuotas serán irreducibles, salvo cando nos casos de inicio da utilización privativa ou aproveitamento especial do dominio público local a data de inicio non coincida co ano natural, de tal xeito que neste caso as cuotas calcularánse proporcionalmente ó número de trimestres naturais que resten para rematar o ano, incluído o de comenzo da utilización ou aproveitamento especial.
- 3.- Asemesmo, e no caso de cese na utilización privativa ou aproveitamento especial as cuotas serán prorrateables por trimestres naturais, computando no prorrateo aquel no que se produce o cese.

Artigo 7º. Normas de xestión

- 1.- A taxa xestiónase a partires do padrón da mesma. Dito padrón formarase anualmente polos Servicos económicos do Concello, e estará constituído por censos comprensivos dos suxeitos pasivos e das cuotas tributarias.

- 2.- O Servizo de Urbanismo comunicará o Servizo de Xestión e Inspección Tributaria a concesión da licenza para o aproveitamento especial ou utilización privativa, practicándose a continuación a liquidación correspondente, que se notificará o suxeito pasivo, que deberá efectuar o ingreso da debida tributaria nas oficinas da Tesorería municipal ou nas Entidades bancarias debidamente autorizadas.
- 3.- Unha vez concedida a baixa ou a anulación da licenza ou revogada ésta polo Servizo de Urbanismo, se lle comunicará o Servizo de Xestión e Inspección Tributaria o efecto de proceder á exclusión do padrón do suxeito pasivo titular da mesma.
- 4.- A recadación das debidas tributarias dos períodos impositivos posteriores ós das altas no censo, efectuarase mediante a expedición dos recibos, en base o padrón da tasa, nos que figurarán os titulares das licencias de utilización privativa ou aproveitamento especial.
- 5.- O padrón da taxa exporase o público polo prazo de quince días para que os interesados podan examinala, e no seu caso, formular as reclamacións oportunas.

Dita exposición o público e a indicación do prazo de pago das debidas tributarias, comunicarse mediante a inserción de anuncios no Tablón de Edictos do Concello, no Boletín Oficial da provincia, nun periódico dos de maior tirada da provincia e producirá os efectos de notificación colectiva a que se refire o art.124.3 da Lei 230/63, de 28 de decembro, Xeral Tributaria.

Artigo 8º. Infraccións e sancións

Para todo o relativo á calificación das infraccións tributarias e a imposición das sancións correspondentes, rexerá o disposto nos artigos 77 e seguintes da Lei Xeral Tributaria.

DISPOSICIÓN DERRADEIRA

A presente Ordenanza foi aprobada de xeito provisorio polo Pleno da Corporación na sesión celebrada o día dezoito de novembro de dous mil tres, quedando definitivamente aprobada por acordo do Pleno da Corporación na sesión de trinta de decembro de dous mil tres. Comezará a aplicarse a partir do primeiro de xaneiro do ano dous mil catro, e aplicarase mentres non se acorde a súa derogación ou modificación.

